



## Yangilangan Konstitutsiya-Inson va uning manfaatlarini mustahkam poydevori

Sirdaryo viloyati yuridik texnikumi o'quvchisi

O'ktamov Bahodir Jahongir O'g'li

Telefon: +998911040424

[Oktamovbahodir100@gmail.com](mailto:Oktamovbahodir100@gmail.com)

**Annotatsiya:** Ushbu maqolada inson va uning manfaatlarini ko'zlab konstitutsiyada belgilangan asosiy huquq va erkinliklari, qonuniy manfaatlari katta ahamiyatga ega ekanligi va bu huquqlarni yanada kengaytirish va yangi normalar bilan boyitish orqali inson va fuqarolarning xavfsizligi, daxlsizligi, erkin yashashi, jamiyat a'zolari tomonidan o'zboshimchalik bilan jazolash kabi harakatlari noqonuniy ekanligi, bu borada inson va fuqarolarning huquqiy ongi va huquqiy madaniyatni yanada kengaytirish masalalari ko'rib chiqilgan.

**Kalit So'zlar:** Konstitutsiya, Referendum, Respublika, Demokratiya, AQSH, Prezidenti.

**Аннотация:** В данной статье основные права и свободы, законные интересы, определенные в конституции, имеют большое значение для человека и его интересов, а за счет дальнейшего расширения этих прав и обогащения их новыми нормами обеспечивается безопасность, неприкосновенность, свобода жизни. людей и граждан, членами общества о том, что такие действия, как произвольное наказание, являются незаконными, рассматривались вопросы дальнейшего расширения правосознания и правовой культуры людей и граждан в этой связи.

**Ключевые слова:** Конституция, Референдум, Республика, Демократия, США, Президент.

**O'zbekiston Respublikasi Prezidenti Shavkat Mirziyoyev.** Xalqimiz ulug' maqsadlar yo'lida yangi tahrirdagi O'zbekiston Respublikasi Konstitutsiyasini ishlab chiqdi va joriy yilning 30-aprel kuni bo'lib o'tgan Referendumda umumxalq ovoz berish yo'li bilan qabul qildi. Mubolag'asiz aytish mumkin, yangi O'zbekistonda boshlangan islohotlar, xalqni rozi qilish, inson qadrini ulug'lash, ochiq demokratik davlat barpo etish va davlat qurilishida ustuvor bo'lgan inson-jamiyat-davlat tamoyili konstitutsiyaviy islohotlarning bosh mezoni bo'ldi.

Avvalgi Konstitutsiyada 6-bo'lim,26-bob,128-moddadan iborat edi. Hozirda Konstitutsiyada 6-bo'lim,27-bob,155-moddadan iborat sud tomonidan — O'zbekiston Respublikasi xalqaro shartnomalari O'zbekiston Respublikasi Konstitutsiyasiga nomuvofiq deb topilsa, u holda O'zbekiston Respublikasi Prezidenti ushbu xalqaro shartnomani imzolamaydi.



Amaldagi konstitutsiyamiz 65% foizga o'zgartirish kiritildi. Konstitutsiyaviy sud xalqaro shartnomani O'zbekiston Respublikasi Konstitutsiyasiga muvofiqligini aniqlash barobarida davlat suvereniteti prinsipini (iqtisodiy mustaqilligini) ta'minlashga xizmat qiladi. Konstitutsiyada Davlatning oliy maqsadi belgilanadi. Bu oliy maqsad: Inson huquq va erkinliklarni ta'minlash. Asosiy o'zgarishlar Amaldagi 128-ta moddadan 91-tasiga konseptual o'zgartirishlar kiritilmoqda. Parlament vakolatlari ko'paymoqda. Bular: Qonunchilik palatasining mutloq vakolatlari 12-taga yetmoqda. Senatning mutloq vakolatlari 18-taga yetmoqda. Senatorlar 100-tadan 65-taga kamaytirilmoqda. Konstitutsiyaga yangi bob kiritildi. Bu advokatura deb ataladi.

Buyuk sarkarda Sohibqiron Amir Temur butun umri davomida "Kuch — adolatda" degan hikmatga rioya etgani barchamizga ma'lum.

Bugun O'zbekiston Respublikasi Prezidenti Shavkat Mirziyoyev xalqimiz hamma narsadan ustun qo'yadigan adolatni hayotimizda tom ma'noda qaror toptirish eng asosiy vazifamizga aylanishi shart ekanligini ta'kidlamokda. Bu bilan "Kuch adolatda" degan tamoyil yangi O'zbekistonning davlat boshqaruvi sohasida ustuvor tamoyilga ega ekanligini ko'rsatadi.

Tarixdan ma'lum, adolat — insoniyatni eng qadimgi idealaridan biri hisoblanadi. Adolat bor joyda jamiyat poydevori mustahkam, davlat qudratli bo'ladi. Fuqarolarning davlatga bo'lgan ishonchi ortadi, mamlakat taraqqiy topadi.

Shu o'rinda haqli savol tug'iladi. Biz istagan adolat qachon qaror topadi — qachonki, mamlakatda qonun ustuvorligi ta'minlansa...

Shuning uchun ham mamlakat Konstitutsiyasining 15-moddasida "O'zbekiston Respublikasida O'zbekiston Respublikasi Konstitutsiyasi va qonunlarining ustunligi so'zsiz tan olinadi" deb belgilab qo'yilgan.

Shuningdek, "Normativ-huquqiy hujjatlar to'g'risida"gi qonunning 8-moddasida "O'zbekiston Respublikasida O'zbekiston Respublikasi Konstitutsiyasi va qonunlarining so'zsiz ustuvorligi tan olinishi, Konstitutsiya oliy yuridik kuchga ega va butun hududda qo'llanilishi, qonunlar va boshqa normativ-huquqiy hujjatlar Konstitutsiya asosida va uni ijro etish uchun qabul qilinishi hamda uning normalari va prinsiplariga zid bo'lishi mumkin emasligi mustahkamlangan.

O'zbekiston Respublikasining Konstitutsiyaviy sudi o'z vakolati doirasida normativ-huquqiy hujjatlarni Konstitutsiyaga muvofiqligini aniqlaydi. Bu bilan Konstitutsiya ustuvorligini ta'minlashda mas'uliyatli vazifani bajaradi, deb aytishga asos bo'ladi.

Shu o'rinda bir masalaga e'tiboringizni qaratsak. O'zbekiston Respublikasining aksariyat qonunlarida bitta trafaret norma ko'p qo'llaniladi. Ya'ni, "Agar O'zbekiston Respublikasining xalqaro shartnomasida O'zbekiston Respublikasining ushbu qonunida



nazarda tutilganidan boshqacha qoidalar belgilangan bo'lsa, xalqaro shartnoma qoidalari qo'llaniladi".

Bu bilan O'zbekiston Respublikasining xalqaro shartnomalari amalda O'zbekiston Respublikasi qonunlaridan ustunligi e'tirof etiladi. Agar O'zbekiston Respublikasining xalqaro shartnomasi O'zbekiston Respublikasi qonunidan ustun bo'lsa-yu, biroq mamlakat Konstitutsiyasiga zid bo'lsa-chi?

Bir narsani aniq aytish mumkin, xalqaro shartnoma mamlakat Konstitutsiyasida belgilangan qoidaga zid yoki undan ustun bo'lishi mumkin emas. Balki, aksincha, xalqaro shartnoma O'zbekiston Respublikasi Konstitutsiyasiga muvofiq bo'lishi kerak.

Shuning uchun ham "O'zbekiston Respublikasining xalqaro shartnomalari to'g'risida"gi qonunning 2-moddasida xalqaro shartnomalar O'zbekiston Respublikasi Konstitutsiyasi qoidalariga muvofiq tuzilishi va bajarilishi belgilangan.

Bugungi yangi O'zbekiston dunyoning barcha davlatlari bilan teng va manfaatli hamkorlikni yo'lga qo'ymoqda. Yaqin besh yilda mamlakatimizga juda katta miqdordagi AQSH dollari hisobida chet el investitsiyalarini jalb etish maqsad qilingan. O'zbekiston iqtisodiy taraqqiyotini ta'minlash uchun xalqaro investitsiya juda muhim. Biroq, katta miqdordagi investitsiyalarni tuzish haqidagi xalqaro shartnomalar O'zbekiston Respublikasi Konstitutsiyasiga nomuvofiq tarzda tuzilmasligi kerak.

Shuning uchun ham yangi tahrirda qabul qilingan mamlakat Konstitutsiyasida O'zbekiston Respublikasi Konstitutsiyaviy sudiga "O'zbekiston Respublikasining Prezidenti tomonidan imzolanganiga qadar — O'zbekiston Respublikasi konstitutsiyaviy qonunlarining, ratifikatsiya qilish to'g'risidagi O'zbekiston Respublikasi qonunlari O'zbekiston Respublikasining Prezidenti tomonidan imzolanganiga qadar — O'zbekiston Respublikasi xalqaro shartnomalarining O'zbekiston Respublikasi Konstitutsiyasiga muvofiqligini aniqlash" vakolati berildi.

**Bundan xulosa shuki,** Yangi tahrirdagi Konstitutsiyaning 133-moddasi ikkinchi qismiga muvofiq fuqarolar va yuridik shaxslar, agar sud orqali himoya qilishning boshqa barcha vositalaridan foydalanib bo'lingan bo'lsa, sudda ko'rib chiqilishi tugallangan muayyan ishda sud tomonidan o'ziga nisbatan qo'llanilgan qonunning Konstitutsiyaga muvofiqligi to'g'risidagi shikoyat bilan O'zbekiston Respublikasi Konstitutsiyaviy sudiga murojaat qilishga haqli.

Albatta bu taklif shunchaki ilgari surilayotgani yo'q. Chunki joriy yilning 30-aprelida qabul qilingan yangi tahrirdagi O'zbekiston Respublikasi Konstitutsiyasining 15-moddasi ikkinchi qismida "O'zbekiston Respublikasi Konstitutsiyasi mamlakatning butun hududida oliy yuridik kuchga ega, to'g'ridan-to'g'ri amal qiladi va yagona huquqiy makonning asosini tashkil etadi" degan norma belgilandi. Bu esa, konstitutsiyaviy shikoyat institutini yanada kengaytirish zaruratini kun tartibiga olib chiqmoqda.



Bugungi kunda O‘zbekiston Respublikasi Konstitutsiyaviy sudi ushbu masalani huquqshunos olimlar, mutasaddi tashkilotlar hamkorligida o‘rganmoqda. Qolaversa, huquqshunos olimlar, mutaxassislar ushbu masalaga oid ilmiy-nazariy qarashlari va tajribalar bilan fikrlashsalar, ayni muddao bo‘lar edi.

Demak, insonlar erkin bo‘lishi uchun qonunga tobe bo‘lishlari kerak. Insonlar esa faqat adolatli qonunlarga tobe bo‘lishni istaydi. Buning uchun Konstitutsiyaning ustunligi ta‘minlanishi talab etiladi.

### **Foydalanilgan adabiyotlar ro‘yxati:**

1. O‘zbekiston Respublikasi Konstitutsiyasi. – Toshkent:O‘zbekiston”nashiryoti, 2023. – 80 b.
2. [www.Lex.uz](http://www.Lex.uz)
3. [www.Advice.uz](http://www.Advice.uz)

